



UNIVERSITÄTS-
BIBLIOTHEK
PADERBORN

Regvlæ Societatis Iesv

Angeli, Bernardo d'

Romæ, 1616

Instructio de ijs, quæ in visitatione interroganda sunt. Cap. XV.

[urn:nbn:de:hbz:466:1-68329](https://nbn-resolving.org/urn:nbn:de:hbz:466:1-68329)

sacrificijs Deo commendet, vt iuxta ipsius
Diuinum beneplacitum dirigantur.

Quæ non expungenda ex præterita visitatione.

135 Postquam autem apud se omnia constituerit ex præteritæ visitationis memoriali, vbi rerum quæ temporariæ sunt, ordinationes scribuntur, eas quæ executioni mandatæ fuerint, expungat. In libro vero in quo non nisi maioris momenti ordinationes scribendæ erunt, ipse ea tantum scribet, suaque manu subscribet, quæ cum Generali communicauerit, & ab ipso fuerint approbata.

Instructio de ijs, quæ in visitatione interroganda sunt.

C A P. X V.

Quæ ad gubernationem pertinent à Superioribus, & Consultoribus, & alijs, quibus videbitur, petenda.

Quæ nam, & à quibus de gubernatione interroganda.

1 Interroget, si quid grauius in ea Domino, vel Collegio accidisse extra confessionem intellexerit, & quod remedium sit adhibitum.

2 Quomodo seruentur regulæ, quæ ad Nouitios pertinent.

3 An aliqui, præsertim pueri, aut mulieres ad vota emittenda inducantur, vel ad con-

confilia alia obseruanda indiscrete trahantur.

4 An aliquis Domi nimis affectus videatur ad consanguineos, vel ad eorum subuentionem teneatur.

5 De numero, & sufficientia Confessoriorum, & de frequentia, & fructu confitentium.

6 Quomodo literarum studia vigeant, & quam exacte seruentur, qua de opinionum nouitate & diuersitate statuta sunt. Et an aliqui videantur finitis iam studijs educendi è Collegiis.

7 An infirmi, hospitalia, carceres, & treremes (vbi essent) visitentur, & adiuuentur à nostris.

8 Ex quibus operibus piis iuxta nostrum institutum, maior fructus percipiatur.

9 De cura in tradendis spiritualibus exercitijs, & quam exacte illa fiant. Et de vigilantia in puerorum ac rudium in doctrina Christiana institutione.

10 De modo conuersandi iuxta rationem, & finem nostri instituti.

11 De missionibus & earum fructu, & modo procedendi eorum, qui mittuntur.

12 An aliqui prætextu valetudinis iuanda à spiritus perfectione degenerent, & à laboribus nostri instituti abhorreant, atque ad otium aspirent.

13 An erga nostros infirmos, & hospites debita Societatis caritas, & cura exercentur.

14 An aliqua ambitionis & proprietatis indicia in aliquo appareant.

15 Quæ elemosynæ externis pauperibus dentur.

Quæ ab omnibus peti possunt.

Quæ ab omnibus.

16 **Q**uomodo valeat corpore, & viribus, & quomodo ei conueniat ratio, vitus, vestitus, cubiculi, & exercitationis corporalis, qua vitur.

17 Si quid dubitationis, aut difficultatis, si quid etiam ad suam consolationem, instructionem, aut profectum fore putat, confidenter proponat.

18 Quod ad alios attinet, interrogetur quomodo tractetur à Superioribus, & quid sentiat de illis; tam de personis, quam de officiis eorum.

19 An aliquis Superior impedierit libertatem subditorum scribendi ad Superiores mediatos, aut quouis modo significauerit sibi non placere, vt nostri de ipso, aut eius gubernatione, ad eosdem scribant.

20 An nouerit extra confessionem aliquid de quauis persona, quod non ei probetur, vt de inobedientia, murmuratione, conspirationibus, præsertim contra Superiores, & si quid

si quid parum honestum, & incautum in familiaritate nimia cum aliqua persona accidisset, vel contra de dissensione.

21 Quomodo seruentur Domi Constitutiones, Decreta, Regulæ, communis ordo, & ordinationes, quæ à Præposito Generali, & alijs Superioribus emanant.

22 Quomodo exercentur ministeria Societatis erga externos, quod ad modum, & fructum attinet.

23 Quis sit profectus nostrorum in rebus spiritualibus, & quod omnium in solidis virtutibus acquirendis studium.

24 Si de ijs etiam, quæ pertinent ad alias Domos, & Collegia totius Prouinciæ aliquid habet, quod alicuius momenti videatur, libere proponat.

Pro Scholasticis addatur.

25 **Q**uid ingenij, memoriæ, virium, & propensionis ad literas in se experiatur.

Quænam à Scholasticis.

26 An occupatione exteriori, vel studijs remoueat, vel distrahat à rebus spiritualibus.

27 An habeat libros necessarios, & an scribat, legat, disputet.

28 De suo profectu in literis quid sentiat.

E An

29 An omnia experimenta Societatis fecerit, & quo fructu.

Pro ijs, qui in probatione versantur.

Quæ ab ijs, qui in probatione.

30 **A**N firmus sit in proposito viuendi, & moriendi in Societate.

31 An sit indifferens ad quemlibet gradum, ministeria, & exercitia Societatis, prout obedientia constituerit.

32 An Exercitia spiritualia, vel aliqua alia experimenta fecerit, & in quibus plus profecerit, & alia, si videbitur ex Examine.

Modus accipiendæ rationis conscientia.

Ratio conscientia.

30 **Q**uod in summario Constitutionum. §. 40. præscribitur de manifestanda conscientia, id magni momenti ad Dei gloriam, & Societatis nostræ bonum Pater noster sanctæ memoriæ Ignatius existimauit: quare ut omni diligentia & animi sinceritate seruetur, Prouinciali curandum erit. Et cum quisque dixerit, quæ dicere voluerit, iuxta instructionem datam, poterit Prouincialis, si qua existimauerit amplius interroganda, id etiam facere: quamuis, quæ hominem pudore multum afficerent, ea extra confessionem interroganda

roganda non essent. Nec à singulis singula
 petet, sed prudenter & circumspēcte pro ra-
 tione personarum. Denique eam sua-
 uitatem teneat, vt illa omnia non
 tamquam iudex exigere, sed
 vt benignus parens ob
 subditi consola-
 tionem
 co-
 gnoscere vel-
 le videa-
 tur.

